


# ILLOQARFIUP ILAANUT PILERSAARUT 1C8-5

ILLOQARFIUP QEQQA NUUK



NUUP KOMMUNEA  
TEKNIKKIMUT AVATANGIISINULLU INGERLATSIVIK  
NOVEMBER 2006

## **IMARISAI**

<b>ILITSERSUUT .....</b>	<b>3</b>
<b>NASSUIAAT .....</b>	<b>4</b>
Illoqarfiup ilaanut pilersaarutip tunuliaquataa.....	4
Illoqarfiup ilaanut pilersarusiorfiusoq.....	5
Aalajangersaatigineqartussat.....	7
Pilersarusiornermut allamut tunngasut.....	12
Inatsisitigut atuutititsineq.....	12
<i>Inaarutaasumik inatsisitigut atuutsitsineq .....</i>	12
Tamanut saqqummiussineq akuersissuteqarnerlu.....	13
<b>AALAJANGERSAKKAT .....</b>	<b>14</b>
§ 1    Illoqarfiup ilaanut pilersaarutip siunertaa .....	14
§ 2    Illoqarfiup ilaanut pilersarusiorfik.....	14
§ 3    Atorneqarnissaa.....	14
§ 4    Aqquserngit aqqusineeqqallu .....	15
§ 5    Sanaartukkap annertussusia inissismaffialu .....	15
§ 6    Sanaartukkap silatimigut isikkua .....	16
§ 7    Teknikkimut atortut.....	16
§ 8    Nunaminertat sanaartorfigineqan-ngitsut.....	17
§ 9    Sanaartorfissagissaanermut akiliutit.....	17
§ 10   Illoqarfiup ilaanut pilersarusiorfiup atorunnaarsinneqarnera .....	17
<b>AKUERSISSUTEQARNERMI ATSIORNEQ .....</b>	<b>18</b>

Ilangussaq 1: Illoqarfiup ilaanut pilersarusiorfik pissutsillu atuuttut.

Ilangussaq 2: Sanaartorfissat.

Ilangussaq 3: Susassaqarfanni killeqarfait.

Ilangussaq 4: Ilusissaanut pilersaarut.

## **ILITSERSUUT**

Illoqarfiup ilaanut pilersaarummi nunaminertat, sanaartukkat nutaat, aqqusineeqqat, aqqusertingit il.il. qanoq atorneqarnissaat, inissinneqarnissaat immikkoortumilu aalajangersimasumi qanoq ilusilersorneqarnissaat aalajangersarneqartarput.

Illoqarfiup ilaanut pilersaarut nassuaatitaqartarpoq aammalu aalajangersagartaqartarluni.

Illoqarfiup ilaanut pilersaarut qanoq siunertaqarnersoq aammalu illoqarfiup ilaanut pilersaarutip iluani eqqaanilu piovereersut qanoq pineqassanersut nassuaammi naatsumik oqaluttuarineqartarput kiisalu illoqarfiup ilaanut pilersaarut pilersaarusiornnerup sinneranut qanoq inissismannersoq.

Illoqarfiup ilaanut pilersaarummi aalajangersakkat pituttorsimasuupput.

Inatsisartut peqqussutaat nr. 6, 19. december 1986-imeersoq, kingorna allanngortinnejartumi aamma nunaminertat qanoq atorneqarnissaat kiisalu nunaminertat pilersaarusiornissaat pillugit Nalunaarut nr. 23, 18. november 1992-imeersoq kingornalu allangortineqartoq malillugu Kommunalbestyrelse pisussaavoq illoqarfiup ilaanut pilersaarusiornissaminik:

- Kommunimut pilersaarutip piviusunngortinnissaanut qulakkeerinissaq pisariaqarpat.
- Sanaartukkat anginerit, sanaartorneq imaluunniit nunaminertanik atugassiinerit pitin-nagit.

Illoqarfiup ilaanut pilersaarusiortussaatitaanermi anguniarneqarpoq pilersaarusiornnerup ataqa-tigiissuunissaa aammalu innuttaasut tamatumani akuutinnissaat.

Taamaattumik illoqarfiup ilaanut pilersaarummut siunnersuut tamanut tusarniaassutigineqartussaavoq minnerpaamik sapaatit akunnerini 6-ini. Tamatuma kingorna akerliliissutaasimasinnaasut siunnersuummillu allannguutaasimasinnaasut Kommunalbestyrelsimit nalilerneqas-sapput inaarutaasumik pilersaarut akuerineqartinnagu.


Illoqarfiup ilaanut pilersaarummi malittarisassat atuuuffii illoqarfiup ilaanut pilersaarummi erseqqinnerusumik allassimapput.

## NASSUIAAT


Matumuuna Illoqarfiup ilaanut inaarutaasumik pilersaarut 1C8-5, Nuummi illoqarfiup qeqqa, tamanut Kommunalbestyrelsip saqgummiuppa.

### Illoqarfiup ilaanut pilersaarutip tunuliaqu-taa

Kommunalbestyrelsip november 1981-im



*Illoqarfiup ilaanut pilersaarusrusiorfik*



*Pisuinnat aqqutaat Aqqaluks Pladsimiit Jagtvejimi illorsuit portusuut tungaannoortinneqarpoq.*

*Atassuteqarnera illoqarfiup qanga pingaarnertut aqqutigaa Sissiukkap Umiarsuliviullu akornanniittooq.*

Nuummi Illoqarfiup qeqqanut pilersaarut 1.05, akuersissutigaa, taanna illoqarfiup qeqqata ullumikkut sanaartorfigineqarnerata iluslersorneqarneranik aalajangersaasuuvooq. Tamatuma kingorna allanik illoqarfiup ilaanut pilersaarutinik, illoqarfiup ilaanut pilersaarusrusiorfiusumi annikinnerusunik, pingasunik akuersissuteqartoqarpoq.

Januar 2001-im Kommunalbestyrelsip Nuummi Qiterisaqarfimmut pilersaarut akuer-sissutigaa, taanna Nuup siunissami nammingersornerullutik oqartussat allaffeqarfianniit Nuukullammi Jagtvejip tungaanut qanoq inerriartortitsisoqassanersoq aalajangersaasuuvooq.

Illoqarfiup ilaanut pilersaarut taanna aqqutigalugu Kommunalbestyrelsip kissaatigaa Qiterisaqarfik Nuuk pillugu pilersaarutip malitseqartinneqarnissaa taamatullu Imanermi Naapiffimmilu pisuinnaat aqqutaasa, Nuup illoqarfiata qiterisaqarfiaa aaqqissugaanerata pingaarnertut ilusilerneqarneranut ilasutut, pitsasumik avatangiiseqartinnissaat.


Illoqarfiup ilaanut pilersaarut Nuummi illoqarfiup qeqqani pisiniarfinnut pitsaunerusumik inerriartortitsisinnaanermut pilersitseqataassaaq taamaalillunilu Nuummi niuerneq aamma uummaarinneulissalluni. Taamatut iliorneq assersuutigalugu siunissami Nuummi illoqarfiup qeqqani sanaartornermi killiliussanik annikinnerusumik killilersuisitsissaq.

### *Pisiniarfissuit*

Pisiffik A/S-ip allakkeriviusimasoq B-1809 pisiraa kissaatigalugulu isateriarlugu nutaamik Aqqusinersuup aamma B-1720-p Grønlandsbankip akornanni pingasunik quleriilimmik pisiniarfissualiornissani.

Tamatuma kingorna Grønlandsbankip maannakkut illuutimi allineqarnissaanik kissateqarpoq, illu 9-nik quleriilik Imanerup/Naapiffiup teqeqluqaniittooq ilanngullugu. Illu napasuliaassaaq.

Illoqarfiup ilaanut pilersaarut maannakkut biilit uninngasarfiat B-1809-p aamma Aqqusinersuup akornanniittup atorunnaarsinnejarnissaanik periarfissiivoq nutaamillu B-24'7, B-1720, B-1809, B-1918 aamma B-2039-p taartissaannik pisiniarfissualiortoqarnissaanik



Sanaartorfissat.

ammaalluni. Maannakkut biilinut uninngasarfiusumut taarsiullugu pisiniarfissuup ataani tamanut biilinut uninngasarfimmik pilersitsoqassaaq.

#### *Pisuinnaat aqutaat*

Kommunalbestyrelsip Nuummi nunaminertat amerlanerusut pitsaasullu pilersinneqarnissaanik sulinerata ilaatut illoqarfiup ilaanut pilersaarutip qulakkiissavaa illoqarfiup qeqqani pisuinnarnut nuannersumik aqqusineqalernissaa, aqquataani pisiniarfeqarsinnaasumik uninngaarfiusinnaasumillu kiisalu aasaanerani tamanut aaqqissuiffiusinnaasumik.

*Nuummi illoqarfiup qeqqani biilinut uninng-*

#### *sarfik*

Nuummi biilit amerliartorput, tamatumalu kinguneraa aqquserngit annikiginarsinerat Nuullu qeqqani biilinut uninngasarfuit inissaleqiffiulernerat. Taamaattumik illoqarfiup ilaanut pilersaarummi illoqarfiup qeqqani pisinianut pitsaasumik biilinut uninngasarfiliornissaq nunaminertaliinikkut qulakkeerne-qassaaq biilinullu uninngasarfinnut illut taamatullu Nuup illoqarfiata qeqqani nutaanik sanaartornermi kvadratmeterimut qanoq annertutigisumik biilinut uninngasarfeqassaner-soq.

#### **Illoqarfiup ilaanut pilersaarusiorfiusoq**

*Illoqarfiup ilaanut pilersaarusiorfiup killingi*  
Illoqarfiup ilaanut pilersaarusiorfiusup avannamut Kuussuaq, kangimut Aqqusinersuaq, kujammut Samuel Kleinschmidtip Aqqutaa kimmullu Ilivinnguaq killigaa, Ilanngussaq 1-imti takutinneqartutut.

Illoqarfiup ilaanut pilersaarusiorfik 4,6 ha-ip missaanik annertussuseqarpoq.


*Illoqarfiup ilaanut pilersaarusiorfiup aggua-taarnera*

Illoqarfiup ilaanut pilersaarummiipput pilersaarusiofiusumiittut ataatsimoortinneqarnerat, taakkulu ilai killeqarfii susassaqarfiusut A aamma B iluanniittut arlaqarput.


Illoqarfiup ilaanut pilersaarut illunut aalajan-



*Killeqarfik A, Pisuinnaat aqutaat.*



*Killeqarfik B, Aqqusineq biilillu uninngasarfiat.*



Pisuinnaat aqutaannik assersuut, Norge-p avannaani.

gersakkanik, sanaartorfissanik, sanaartorfiussinnaasunik sanaartugaareersullu allilerneqarsinnaaneranut periarfissanik imaqtinnejqarpooq.

Killeqarfiit susassaqarfiusut A aamma B tas-saapput illoqarfiup iluani pilersaarummi immikkoortinnejqartut, pisuinnarnut aqqusinissa-tut nutaamillu atortulersuutinut soorlu nutaa-mik aqqusinermut aqqusinioreersullu allann-


gortinneqarnissaanut kiisalu biilinut uninnga-sarfissanut.

#### *Pissutsit pioreersut*



Ullumikkut immikkoortoq ataatsimoorussas-satut qiterisaqarfittullu siunertanut atugassan-ngortinneqarpoq, Imaneq Naapiffillu atuarlu-git pisiniarfefqarfiutillugu. Imaneq biilinut unin-ngasarfittut aqquaartorfittullu atorne-qarpoq Kuussuarmiit aamma Samuel Kleinschmidtip Aqqutaatigut pulammaaffe-qarluni. B-1728-p aamma Ilivinnguup akornanni nunaminertaq B-1809-p aamma Aqqu-sinersuup akornanniittooq kiisalu nunaminertaq B-1746-p aamma Naapiffiup akornanniittooq biilinut unin-ngasarfissanut atugassanngorlu-git immikkoortinnejqarpuit.

#### *Sanaartukkut ilusilersorneqarnerat*

Nuummi illoqarfiup qeqqani illut amerlanersaat kangimut kimmullu sammisuupput, Ima-neq kaajallallugu inissismallutik. Illut amer-lanersaat marlunnik quleriupput, qaliat ilangullugit atorneqarlutik. B-3152, Hotel Nuuk *Qiterisaqarfimmum pilersaarut Nuuk*-mi Ima-nermi napasuliat ilaattut taaneqarpoq, kisiar-taalluni Nuup Illoqarfiata qeqqani 7-inik qule-



Takussutissami qullermi takuneqarsinnaapput pisiniarfissuaq nutaaq Maximutilu nutaaq Aqqusinersuarmiit takul-lu-git. Takussutissami allermi takuneqarsinnaallutik Pisiniarfissuaq aamma GrønlandsBanken Naapiffimmiiit ta-kullu-git. Takussutissani arlariinni illoq



*Pisiniarfissuup aamma B-2039-p allissutaata ataatsimoortinneqarsinnaanerannut periarfissap titartagartaa.*

riiusoq.

### Aalajangersaatigineqartussat.

#### *Siunissami immikkoortumi sanaartukkat*

Siunissami Nuup Illoqarfiata qeqqani ineriar-tortitsineq immikkoortumi illut pioreersut allineqarnerisigut imaluuunniit ingitserinikkut nutaamillu sananissamut inissaqalersitsinikkut pisinnaavoq.

Illoqarfiup ilaanut pilersaarummi anguniarne-qarpoq immikkoortumi sanaartukkat ataqati-giaartuunissaat pingasut missaannik quleriil-lit, ataasiakkaat sanaartukkanit allanit portu-nerutilugit. Sanaartukkat isikkorissuutikku-

sunneqarput pisuinnaat aqqutaasa tungaanor-tut igalaalorsorlugit.

Sanaartugassat illoqarfiup ilaanut pilersaar-u-siorfiusup iluani sanaartorfissaniitinneqassap-put. Sanaartukkat taamaallaat pingasut missi-liorlugit quleriunissaat annerpaamillu 13 m.-inik portussuseqarnissaat qulakkeerneqarpoq. Illoqarfiulli ilaanut pilersaarummi sanaartuk-kat assigiin-ngitsunik portussuseqarnissaannik aalajangersaasoqarsinnaanera periarfissaqar-poq. Taamaalilluni sanaartukkat, Pisiffiup aamma Grønlandsbankenip sanatinniagaat, 16,5 aamma 29 m.-it angullugit portussuse-qartut ammaassiffigineqarlutik. Hotel Nuuk suli 9-nik quleriilinngortinnejarsinnaavoq.



*Hotel Hans Egede-p neriniartarfianit Pisiffiup pisiniarfissuassaata aamma Grønlandsbankenip napasuliartassaa-tut eqqarsaatigineqartup qulingiluanik quleqillip qanoq isikkoqarnissaa pillugu takussutissaq..*

Sanaartorfissiani tamani illut qaliaasa sinaakkutaanut portunerpaaffiliisoqarpoq (kipkote). Aalajangersakkat erseqqissut aalajangersakkani §5-ianitakuneqarsinnaapput. Nioqqutisanut naatsorsuunneqartoq Pisiffiup sananiaagaataamma B-2039-p akornanniiittoq qaller-neqarsinnaavoq, taamaalilluni illut marluktaakku atasunngortinneqarlutik.

Kommunalbestyrelsip ulloq 14. juni 2004-mi  
aalajangiineratigut kommunip Poortukkerivik  
B-247 ingitsigassanngortillugu pisarivaa,  
illoqarfiup qeqqata kusanartumik uummaaris-  
sumillu ineriertortinneqarnissaanut tapersii-  
niarluni. Tamatumani piumasarineqarpoq  
kommunip pisinermut ingitserinissamullu  
aniaagaasartuutai sanaartugassanut soorlu sa-  
naartorfissagissaanermi aningaasartuutinit  
tamakkiisumik ilaannakortumilluunniit na-  
limmassarneqassasut. Taamaattumik taanna  
aalajangersakkani erseqqissarneqassaaq B-nr.-  
nik nalunaqaqtsiinikkut, Poortukkeriviup in-  
gitserneqarneratigut allineqarsinnaasunut.

Allagartalersuineq

Allagartat ussassaarutilu aqqusinermi kisimik ersinnginnissaat kissaataammat allagartat illut

saavinut nivinngarneqarsimassapput. Allagar-  
tat suliffeqarfimmuit attuumassuteqassapput  
illumilu inissisimassallutik.


Pisuinnaat aqqutaannik iluarsaanermut atatil-lugu illoqarfip ataatsimut ilusilersorneqarne-ranut ilaatillugu paasissutissa-nut/ussassaarutinut pisuinnaat aqqutaannut Imanermut appakaaffimmi Naapiffiullu eq-qaatigut sukaliortoqarsinnaavoq.

## *Killeqarfik A, Pisuinnaat aqqutaat*

## *Pisuinnaat aqqutaat*

Imaneq, Naapiffik aammalu Iviit aqqusaarlugit pisuinnarnut aqqusinissamut nunaminertaliisoqassaaq, niuffaffilimmik, aneeriusinnaasumik, issiavilimmik kiisalu inissiiviusinnaasutut atorneqarsinnaasumik silamilu sassaal-lerfissaasinaasumik.

Ungasinnerusoq eqqarsaatigalugu kissaataa-  
voq pisuinnaat aqqutaata ilusilersorneqarnis-  
saa pillugu pilersaarusiortoqarnissaa, qallik-  
kamik, qulliit kiisalu illoqarfimmi pingaarning-  
tut naapiffiusartup pequsersorneqarnissaa  
eqqarsaatigalugit. Illussanik titartaasartut



*Nuummi Illoqarfiup qeqqani pisuinnaat aqqutis-  
saattut pingaarnertut iluseq.*

Jagtvejimiit Imanermut aqqutaaniit Nammi-  
nersornerullutik Oqartussaqarfiup tungaanut  
qanoq iluseqartinneqarnissaa pillugu unammi-  
sinneqarsinnaapput.

Pisuinnarnut aqqutissatut atugassanngortinne-  
qartup iluani sanaartortoqarsinnaanngilaq.

Imanerup avannaatungaani Kuussuup tungaa-  
nut biilinut uninngasarfik pigiinnarneqassaaq.  
Biilerneq Hotel Nuup aamma B-2171-ip akor-  
natigut pissaaq. Takuuk Ilanngussaq 4.

Imanermi kussineq illoqarfiup qeqqani pi-  
suinnarnut akornutaasartoq matoorneqarnis-  
saa imaluunniit amitsunngorlugu kuuffilerlu-



*Nuummi illoqarfiup qeqqani inissiiviusinnaasutut  
assersuut.*



*Kalaaliaraq, Nuuk.*

gu arlarlinnik ikaartafilerlugu kiisalu kuuf-  
fimmut tummeralerlugu iluarsineqarnissaa  
siunnersuutigineqarpoq, taamaalilluni kuuf-  
fiusoq Nuup Illoqarfiata qeqqani immikkuul-  
larissutut ataatsimut isikkoqalersinnejarluni.

*Niuffaffik*

B-1720-p, Grønlandsbankenip, B-247-p,  
Poortukkeriviup aamma B-54, Hotel Godt-  
håb-ip akornanni niuffaffimmik pilersitsiso-  
qarsinnaavoq qiperukkamik imaluunniit imer-  
talimmik equmiitsuliamik inissalerlugu.

*Nuup Illoqarfiata qeqqani inissiiviit aalaja-  
ngersimasut*

Illoqarfiup qeqqani inuussutissarsiuteqartunut  
oqilisaatitut illoqarfiup ilaanut pilersaarummi  
aasap qaammataani illut ataasiakkat silataan-  
ni niuffaffittut inissiivissanik inissaliisoqas-  
saaq.

B-1685-ip kitaani aalajangersimasumik inis-  
siiveqalissaqaq, taanna atorneqanissaanik utaq-  
qiisaumik ulluunerani tuniniaavittut qinnu-  
tigineqarsinnaavoq.

*Kalaaliaraq*

Maannakkut kalaalimineerniarfusoq Kala-  
aliaraq nutarterneqartussaavoq. Nutarterneqar-  
nissaanut atatillugu Kalaaliaqqap illoqarfiup  
qeqqanut niuertarfiit eqqaannut nuunneqarnis-  
saa Kommunalbestyrelsimit kissaatigineqar-  
poq.



*Illoqarfiup qeqganut pingaarnertut bilinut aqqutip ilusilerneqarnera.*

Illoqarfiup ilaanut pilersaarummi B-1685-ip aamma B-1941-p (Brugsen) akornanni sanaartorfissiamik pilersitsisoqarpoq pingasunik sisamanik quleriilimmik, Kalaaliaraq quele-riinni allermi inissillugu. Taamaalilluni Kalaaliaraq illoqarfimmi niuerfiup qeqqani inis-simalissalluni.

#### *Illoqarfiup qeqqani perusuersartarfíit*

Piffissami sivisuumi Nuummi Illoqarfiup qeqqani tamanut perusuersartarfimmik pilersitsisoqarnissaa kissaataavoq. Taamaattumik illoqarfiup ilaanut pilersaarummi Kuussuup tungaanut Kalaaliarassamut ilaatinneqarsinnaanera imaluunniit pisiniarfeqarfissuartaassamut ilaatinneqarsinnaanera eqqarsaatigineqarpoq.

#### *Killeqarfik B, aqqusineq biilinullu uninngasarfik*

Illoqarfiup ilaanut pilersaarummi Nuup illoqarfiata qeqqani Ilivinguup tallineqarnissaa-nut aammalu Aqqusinersuup Kuussuullu al-lanngortinnejarnissaannut biilinut uninngasarfilimmik kiisalu pisuinnarnut aqqummik nunaminertaliisoqarpoq. Takutinneqartutut Ilanngussaq 4-mi.

B-54, Hotel Godthåb-ip aamma B-1753, Ki-gutileriffiup akornanni immikkoortoq biilinut uninngasarfimmut atugassanngortinnejarnissa. Tamatuma nassataraa B-202-p ingitserneqar-sinnaanissaa. Immikkoortoq aamma nioqqu-

tissanik assartuinermut aammalu B-54-ip aammalu B-1753-ip eqqagassaannut atorne-qarsinnaasuussaaq.

Immikkoortoq B-1728-p, Nunatta Atuagaate-qarfiata aamma Ilivinguup akornanniittooq biilinut uninngasarfinngortinnejarnissa. Immikkoortumi illumik biilinut uninngasarfim-mik pilersitsisoqarsinnaavoq. Ilutigitillugulu immikkoortumi nioqqu-tisanut igitassanullu assartuinermut, B-1728, B-2216, B-2289, B-2398, B-3097 aamma B-3259 inissaqassaaq.

Immikkoortumi B-1941, Brugsen-ip aamma B-3152, Hotel Nuup akornanni biilinut uninngasarfissamat nunaminertaliisoqassaaq. ilu-tigitillugulu immikkoortumi nioqqu-tisanut igitassanullu assartuinissamat B-1685, B-1746, B-1941, B-2171 aamma B-3152 inissa-qassaaq.

#### *Aqqusinernut tunngasut*


Immikkoortumut biilerneq annermik pissaaq biilinut uninngasarfissatut nunaminertaliuneqarsimasutigut kiisalu Aqqusinersuup Naapiifullu akornata isuani pisiniarfeqarfissar-suassap kælderiatigut biilinut uninngasarfik-ut. Killilimmik taxanut nioqqu-tisanillu as-sartuinermut Imanikkoortoqarsinnaassaaq. Siunissami qulakkeerneqassaaq pisuinnaat aqquaanni biilinik angallannerup annikilli-sinneqarnissaa. Nioqqu-tisanik pisiniarfisuarmut assartuineq nioqqu-tisanut naatsor-suussakkut Aqqusinersuarmiit pissaaq Ima-nikkullu anillattoqartarluni. Assigiinngitsuti-gut suliniutit aqqugalugit nioqqu-tisanik assartuineq annikillisarneqassaaq, soorlu pisiniarfiit ammasarfisa avataasigut nioqqu-tisanik assartuisitsisarnikkut.

#### *Nuup Illoqarfiata qeqqani biilinut uninngasarfik*

Nuup illoqarfiata qeqqani pisinianut biilinut uninngasarfissat naammattut pigineqarnissaat qulakkeerniarlugu illoqarfiup ilaanut pilersaar-ut una atorlugu aalajangersaasoqassaaq biili-nut uninngasarfissat qanoq amerlatigisut Nuup Illoqarfiata qeqqani nutaamik sanaar-tornermi pilersinneqassanersut. Inuussutissar-siorfinnut pisiniarfinnullu 75 m<sup>2</sup>-imut biilinut uninngasarfik ataaseq pilersinneqassaaq inis-

NASSUIAAT  
Illoqarfiup ilaanut pilersaarut 1C8-5, Illoqarfiup qeqqa Nuuk

sianullu marlunnut biilinut uninngasarfik ataaseq pilersinneqassalluni.



*Nioqquissanik pisiniarfissuarmut nutaamut assartuinermut kiisalu kælderimi biilinut uninngasarfimmut aqqut.*

## Pilersaarusrornermut allamut tunngasut

### Kommunimut pilersaarut

Illoqarfiup ilaanut pilersaarusrorferfik Kommunimut pilersaarummi 2005-2014-imi ilaavoq.

Illoqarfiup ilaanut pilersaarusrorferfik kommunimut pilersaarummi immikkoortumut killiliussamut ilaavoq 1C8, Nuuk Illoqarfiup qiteqisaqarfia.

Killiliussatut immikkoortoq 1C8, Nuuk Illoqarfiup qeqqa, siunertanut ataatsimoorussasanut qiterisaqarfimmullu siunertanut atugas-sannqortinnejarpooq. Illoqarfiup nutarterneqarneranut atatillugu aammalu eqiterisoqartil-lugu nutaamik sanaartorsinnaaneq inissaqartinneqarsinnaavoq.

### Illoqarfiup ilaanut pilersaarummik atuuttumik atorunnaarsitsineq

Illoqarfiup ilaanut pilersaarusrorferfik illoqarfiup ilaanut pilersaarusrorfiusunut ukununnga ilaavoq 1.05/1C8-1, 1C8-2, 1C8-3 og 1C8-4.

Illoqarfiup ilaanut pilersaarusrorfiup 1C8-5 inaarutaasumik akuersissutigineqarneratigut illoqarfiup ilaanut pilersarutit 1C8-2, 1C8-3, 1C8-4 atorunnaarsinnejarpoot taamatallu illoqarfiup ilaanut pilersaarummi 1.05/ 1C8-1-imi ilaasut, Illoqarfiup ilaanut pilersaarummi 1C8-5-imi ilaatinnejartut.

## Sanaartornermut malittarisassanut tunngasut

Sanaartornermut malittarisassat illoqarfiup ilaanut pilersaarummi malittarisassanit pingaaruteqarnerujuassapput, tassa aalajangersagaqpat aalajangersakkant naapertuutinngitsunik. Assersuutigalugu maannakkut illoqarfiup ilaanut pilersaarummi aalajngersakkat malillugit periarfissaqarpoq inissiat 3-nik amerlanerusunillu quleriillit sananeqarsinna-neri. Imaanngitsorli sumi tamaani inissialior-tertoqarsinnaasoq, tassami sanaartornermut malittarisassani ilaatinut piumasaqaatigine-qarmat inissiat eqqarsaatigalugit qaamaner-mut tunngasut piumasaqaatigineqarput.

Ikuallattoornissamut ungassisusissamullu tunngasut aamma eqqarsaatigalugit taakku ataatsimiititaliamit assersuutigalugu sunik

sanaajunissaat pillugu aalajangersaasoqarsin-naavoq.

Ilisimaqquneqarportaaq Sanaartornermut ma-littarisassani aamma innarluutilinnut naleq-qussakkanik isaariaqartitsinissaq piumasaqaa-taammat.

## Teknikkimut atortulersuutit

Kuuffissuarnut, imermut innaallagissamullu aqquq nunap ataatigoortinnejassapput.

### Kiassarneq:

Immikkoortoq ilaatinut ungassisumit kiassar-neqassaaq innaallagissamoortumik. Nutaamik sanaartukkat tamarmik innaallagissamoortumik kiassaaserneqassapput. Allatut periarfissaavoq avatangiisimut naleqquatumik soorlu seqernup kissarnera atorlugu, nunap kissarne-ra allallu atorlugit nukissiornikkut nukissiuu-teqartoqarsinnaanera. Pilersuinermut aqquq nutaat ataatsimoortillugit inissinneqassapput killeqarimmut A aamma B-mut ataatsimut pilersaarut naapertorlugu, takuuk ilanngussa-3.

### Imeq

Immikkoortoq pisortat imeqarfiutaannit pilersorneqassaaq.

### Imikoq

Immikkoortoq kommunip kuuffissuaqarfiinut ilaatinnejassaaq.

### Eeqaavilerineq

Inissiat tamarmik igitanut inissiiveqartinne-qassapput imaluunniit eqqaavinnut containe-riusunut inissaqartitsisoqassalluni.

## Inatsisitigut atuutitsitsineq

### Inaarutaasumik inatsisitigut atuutsitsineq

Illoqarfiup ilaanut pilersaarut inaarutaasumik Kommunalbestyrelsimit akuersissutigineqar-pat tamanullu saqqummiunnejareerpat, nu-naminertat, illut atortulersuutillu, illoqarfiup ilaanut pilersaarummi ilaatinnejartut, atorne-qarsinnaapput imaluunniit sanaartorfigineqar-sinnaapput taamaallaat illoqarfiup ilaanut pilersaarummi malittarisassat malillugit.

Immikkut pisoqartillugu annikitsumik sanioq-qutsisoqarsinnaanera akuersissutigineqarsin-naavoq. Anginerusumilli sanioqqutitsisoqas-satillugu tamanna nutaamik illoqarfiup ilaanut pilersaarummik pisariaqartitsissaq.

Illoqarfiup ilaanut pilersaarut imaanngilaq illoqarfiup ilaanut pilersaarummi allassimasut nunaminertat, illut atortulersuutillu tamarmik pilersinneqassaasut.

Nunaminertat, illut atortulersuutillu maannakkut inerteqqutaangnitsumik atorneqartut ingerlaannarsinnaapput. Tamanna ilaatigut ima isumaqarpoq inerteqqutaangnitsumik nunaminertanik, illunik atortulersuutinillu atuineq ingerlaannarsinnaasoq, akerlianilli assersuutigalugu allatut atuilerneq imaluunniit nutaamik sanaartorneq illoqarfiup ilaanut pilersaarummik unioqqutitsissangilaq.

### **Tamanut saqqummiussineq akuersissute-qarnerlu**

Illoqarfiup ilaanut pilersaarummut siunner-suut 1C8-5, Illoqarfiup qeqqa Nuuk, tamanut saqqummiunneqarpoq piffissami ulloq 5. juli 2006-imiit ulloq 30. august 2006-ip tungaanut.

Tusarniaanerup nalaani akerliliissutit oqaase-qaatillu 14-it tiguneqarput.

Illoqarfiup ilaanut pilersaarut kommunal-bestyrelsip ulloq 30. oktober suliarivaa illoqarfiullu ilaanut pilersaarut tamanut saqqumiunneqartumut sanilliullugu imatut allanguuteqartillugu akuerineqarpoq:

- Kalaalimineerniarfissamut B-1685-ip aamma B-1941-p (Brugsen) akornanni sanaartorfissiip portunerpaaffissaa kote 30,5-imiit kote 37,0-imut qaffanneqarpoq.
- Akileraartarnermut pisortaqarfiup illutaata B- 2289-ip portunerpaaffissaatut kote 36,0-imiit kote 38,0-imut qaffanneqarpoq.
- Grønlandsbankenip napasuliassaaq 6 meterimiit kote 53,5-imut qaffanneqarpoq.

- Naapiffiup qulineqarnissaa taamaatin-neqarpoq.
- B-1746-p (Trolles tank) Kalaalimi-neerniarfissamut inniminnerneqarsi-manera unitsinneqarpoq.
- B-54-imut (Daddy) sanaartorfissiip ilaa pigiinnarneqassaaq.
- Aaqqissuisoqarfimmit iluarsiissutis-sast annikitsut iluarsineqassapput.

## **AALAJANGERSAKKAT**

Nunaminertat atorneqartarnerat pilersaarsiorneqartarnerallu pillugit Inatsisartut peqqussutaat nr. 6, 19. december 1986-imeersoq kingorna allanngortinneqartoq kiisalu nunaminertat atorneqartarnerat pilersaarusiorneqartarnerallu pillugit Nalunaarut nr. 23, 18. november 1992-imeersoq kingornalu allanngortinneqartoq malillugit matumuuna Kommunalbestyrelsip aalajangersakkat makku aalajangersarpai.

### **§ 1 Illoqarfiup ilaanut pilersaarutip siunertaa**

- 1.1 Illoqarfiup ilaanut pilersaarutip siunertaraa:
  - pilersaarummut aalajangersakkat atuutut malinnaasinneqarnissaat taamaalil-lunilu Nuummi illoqarfiup qeqqani pitsaanerusumik ineriartortitsisoqassalluni;
  - Nuummi illoqarfiup qeqqani pisiniarfissuup kælderikkut biilinut uninngarfillip sananeqarnissaata qulakkeerneqarnissa;
  - Kalaaliaqqap Nuummi illoqarfiup qeqqani inissinneqarnissaata qulakkeerneqarnissa;
  - Nuummi illoqarfiup qeqqani biilinut uninngasarfinnut nunaminertanik qu-lakkeerinissaq;
  - Ilinnguuup Samuel Kleinschmidtip Aqqutaata tungaanut tallineqarnissaanut nunaminertassap qulakkeerneqarnissa kaasuuup Aqqusinersuullu allanngortinneqarnissaannut.
  - Imanermi Naapiffimmilu uumassusilimmik pisuinnarnullu najoruminartumik pisuinnarnut aqquteqartitsinissaq;
  - Naapiffimmi niuertarfiit akorngisa qulineqarsinnaanissaannik periarfissiinisaq.

### **§ 2 Illoqarfiup ilaanut pilersaarusiorfik**

- 2.1 Illoqarfiup ilaanut pilersaarusiorfik Ilanngussaq 1-immi takutinneqartutut killeqartinneqarpoq nunaminertaalu ataatsimut 4,3 ha-p missaanniippoq.

### **§ 3 Atorneqarnissaa**

- 3.1 Immikkoortup atorneqarnissaa qiterisaqfimmut siunertanut, niuertarfinnut, neriniartarfinnut taakkulu quiinut sullisiviinullu kiisalu Kalaaliaqqamut, akunnittarfinnut, inuussutissarsiorfinnut annikitsunut, (allaffeqarfiit, sillimmasi-sarfiit, illunik tuniniaasarfiit, eqqartuussissuserisunut, illussanik titartaasartunut ingeniorinut assigisaannullu) pisortat al-laffeqarfiinut inissianullu aalajangersar-neqarpoq.
- 3.2 Neriniartarfimmut atatillugu pujoori-vimmik, neqaarniarfimmik taakkununngalu atortunik pilersitsisoqarsinnaavoq.
- 3.3 Illoqarfiup ilaanut pilersaarusiorfik tamkerlugu sanaartukkani allit pisi-niarfinnut, neriniartarfinnullu kiisalu taakkununnga quinut taamaallaat atorneqassaaq.
- 3.4 Inissiat sanaartukkani quleriit pingajuini taakkulu qulaanni taamaallaat inissinneqassapput.
- 3.5 Killeqarfik A, ilanngussami 3-mi takutinneqartoq pisuinnaat aqquaannut illo-qannginnersamullu nunaminertaliunneqarpoq.
- 3.6 Killeqarfiup B, Ilanngussaq 3-mi takutinneqartoq, attaveqaatinut atortussan-gortinneqarpoq, soorlu aqqusinernut biilinullu uninngasarfinnut, Ilanngussaq B-mi takutinneqartutut.
- 3.7 B-54-ip aamma B-1753-ip akornanni biilinut uninngasarfissap inissaqartinneqarnissaai pillugu B-202 ingitserneqar-sinnaasunngortinneqassaaq.
- 3.8 Illoqarfiup ilaanut pilersaarusiorfiusup iluani immikkoortumi teknikkimut ator-

tulersuutit sanaartukkamut ilaatinneqarsinnaappata naleqquppatalu ikkunneqarsinnaapput.

- 3.9 B-247 "Poortukkerivik" ingitserneqas-saaq B-2039-p, B-1806-ip, B-1720-p imaluunniit B-1918-ip allineqarnerannut ingitserneqarneranulluunniit atatillugu.
- 3.10 Ilanngussaq 2-mi sanaartorfissatut taaneqartut taamaallaat atorneqarsinnaapput sanaartorfissani illooreersunik allile-rinermut imaluunniit illooreersunut taartissatut atorneqassatillugit "Kalaaliaraq" B-1685-ip aamma B-1941-p "Brugsen" akornannittooq kisiat pinnagu.

#### **§ 4 Aqquserngit aqqusineeqqallu**

- 4.1 Pisuinnaat aqqutaanni aqqusernullu si-naani pisiniarfiutillit ataasiakkaat illup silataani 2 meterit angullugit avasitsigisumut nioqquteqarsinnaapput, taamatut iliorneq pisuinnarnut, aputaajaanermut allatulluunniit akornutaassanngippat. Ilanngussaq 2-mi takutinneqartutut. B-1685-ip kitaani inissiivimmik aalajangersimasumik pilersitsoqassaaq, taannalu ulluunerani tuniniaavittut atorneqarnissaanut nunaminertamik atugassinne-qarallarnissamik qinnuteqaateqarfiusasaqq.
- 4.2 Pisuinnarnut aqqummik pilersitsinermut atatillugu pisuinnarnut aqqusinernut Naapiffimmut Imanermullu appakaaf-finni paasissutissiivinnik ussassaarutinnullu napasunik pingasunik inissiisoqarsinnaavoq. Napasut 1 meterimik diame-tereqassapput 4 meterillu angullugit portutigisinnaallutik. Napasut ilusiler-neqassapput pisuinnarnut aqqutinut na-leqqu tunngorlugit.
- 4.3 B-1809-p aamma Aqqusinersup akornanni biilinut uninngasarfik sanaartorfissamut ilanngunneqarsinnaavoq B-247-p, B-1809-p aamma B-2039 taartissaattut pilersinneqarsinnaalluni, maannak-kut biilinut uninngasarfiusup ataani, B-247-p aamma B-1809, tamanut biilinut uninngasarfimmik pilersitsisoqarnerati-

gut. Kælderimi biilinut uninngasarfik Naapiffimmiit pisuinnarnut aqouteqar-tinneqassaaq.

- 4.4 B-3152-ip sioraani pisuinnarnut aq-qummut killeqarfiup avannaatungaani biilinut uninngasarfiliortoqarsinnaavoq. Biilinut uninngasarfimmut appakaanneq B-3152-ip aamma B-2171-ip akorngisi-gut pissaaq.
- 4.5 Immikkoortumut tamarmut biilerneq Killeqarfik B-mi biilinut uninngasarfik-kut pissaaq, Ilanngussaq 3-mi takutinneqartutut, kiisalu biilinut uninngasarfimmut pisiniarfissuartaassap ataaniit-tumut aamma. Imanermi nioqqutissanik eqqagassanillu angallassisoqarsinnaavoq Ilivinnguamiit, Kuussuarmiit kiisalu Aqqusinersuarmiit pisuinnarnut an-gallattunullu allanut akornutaanngitsu-mik.
- 4.6 B-2289-ip aamma B-2398-ip akornanni illumik biilinut uninngasarfiliortoqar-sinnaavoq.
- 4.7 Nutaamik sanaartornermi biilinut uninngasarfinnik nutaanik pilersitsisar-nissamut malittarisassaliortoqassaaq. Inuussutissarsiutinut siunertalinnut aammalu qiterisaqarfimmut siunnertalinnut 75 m<sup>2</sup>-imut ataatsimik biilinut uninngasarfeqassasoq aammalu inissiat marluugaangata biilinut uninngasarfik ataasiussasoq aalajangersarneqarpoq. Biilinut uninngasarfissat Nuup Kom-munea isumasioqatigalugu pisassaaq.

#### **§ 5 Sanaartukkap annertussusia inissi-maffialu**

- 5.1 Sanaartorneq taamaallaat sanaartorfissatut atugassani pissaaq, Ilanngussaq 2-mi takutinneqartutut.
- 5.2 Sanaartugaq annerpaamik illup qaliata sinaanut Ilanngussaq 2-mi oqaatigine-qartutut portussuseqartinneqassapput (kipkote).
- 5.3 Sanaartorfissiani B-1809-p aamma 2039-p akornanni ataatsimoortumik sa-

- nasoqarsinnaavoq nioqqutissanut naatsorsuussaq qallerlugu (immikkoortumut Ilanngussaq 2-mi kiliortorniusartalimmi).
- 5.4 Sannartorfissap eqqaa kiisalu "Kalaaliaqqamut" sanaartorfissatut nalunaaquatalik Kalaaliaqqamut inniminnigaavoq.
- 5.5 Sanaartukkani quleriit 2-mi aamma 3-mi aniianganertallit ajornartinneqanngilat. Aniinganerit annerpaamik sanaartorfik 0,5 meterinik qaangersimasinaavaa.
- 5.6 Ikuallattoortoqarnissaanut tummeqqat ammasumiittut pisuunnaat aqquaataa tungaaniitinneqassangillat.
- § 6 Sanaartukkap silatimigut isikkua**
- 6.1 Immikkoortumi sanaartukkat silatimikut isikkui igalaamineq, qisuk, savimineq ujarallu atorlugit sanaajussapput.
- 6.2 Immikkoortumi sanaartukkat qaliai annerpaamik 25°-nik sivingatillugit sana-neqassapput. Qaliatigut aneerasaartarfiiit ajornartinneqassanngillat.
- 6.3 Immikkoortumi sanaartukkat silatimikut Killeqarfik A-mut sammisut igalaajussapput, silaata aqqusinermut tulliusup 75%-ia igalaajussalluni.
- 6.4 Sanaartukkat silatimikkut Killeqarfik A-mut sammisut pisinianut pisuunnaat aqquaanniit aqqusinermiilluunniit issariaanunamut nalleqqatinneqassaaq. Majuartarfiiit assiaqtillu illumut ilaatinneqassapput
- 6.5 Sanaartukkat silatai asserneqassanngilat. Akimut ersittunik assiaqtalerneqarsinnaapput.
- 6.6 Allagartat illup silataani iikkamut tuliuussarneqassaaq illup ilusianut ataatsimut ilaalersillugu.
- 6.7 Illuni ataasiakkaani allagartat illumut suliffeqarfimmut attuumassutilit kisimik ikkunneqarsinnaapput.
- 6.8 Silaannarissarfiiit assigisaallu illumut atatillugit illullu isikkuanut tulluussarlugit ilaatinneqassapput.
- 6.9 Teknikkimut atortut innaallagissamullu atortut isumannaatsumik inissineqassapput immikkoortullu ataatsimut isikkuanut innarliisutinnagit.
- § 7 Teknikkimut atortut**
- 7.1 Teknikkikkut atortut, soorlu kuuffissuit, innaallagissamut imermullu aqquitit nunamut assaanneqarsimassapput.
- 7.2 Pilersuinermut attaveqaatit ataatsimut pilersaarsiukkatt killeqarfinni A aamma B-mi inissineqassapput, takuuk Ilanngussaq 3.
- 7.3 Imikoq tamarmi kuffissuartigoortinneqassaaq. Nunami imeq, imeq kuuttoq illullu qaliani imeq, aamma kælderimiit imeq maqinnejartoq ilanngullugu, kuuffikkoortinneqassanngilaq, ingerlaartineqassalunili eqqaani sanaartukkanut, aqqusinernut, aqqusineeqqanut, nunaminertanut sanaartorfiunngitsunut assigaannulluunniit akornutaanngitsumik – soorlu kussinermukaartunngortitsinermi.
- 7.3 Nutaamik sanaartukkat kiassaateqarfimmut imaluunniit innaallagissamoortumik kiassaateqarfimmut atassusigaassapput.
- 7.4 Sanaartukkat tamarmik pisortat kuuffisuinut imeqarfifiullu atassuteqartinneqassapput.
- 7.5 Illoqarfiup ilaanut pilersaarusrifiusup iluani aqqusinermi aqqusineeqqanilu qullilersuineq pissaaq naparutinik qullilersuinikkut. Allatut qullilersuinissaq pissaaq Nuup illoqarfiata qeqqani ataatsimut isikkua malillugu. Qullit inissineqartut biilinut akornutaassanngillat.

**§ 8 Nunaminertat sanaartorfigineqanngitsut**

- 8.1 Nunaminertat sanaartorfigineqanngitsut, ungalut aqquserngullu atortui, sanaartoneq pissutigalugu imaluunniit allatut sulisoqartillugu aserorneqartut iluarsineqassapput.
- 8.2 Nunaminertat sanaartorfigineqanngitsut sunilluunniit sivisunerusumik ilitsivigeneqassangillat.
- 8.3 Igitanut containerit Aqqusinersuarmi, Ilinnguami imaluunniit illoqarfiup ilaanut pilersaarummi Killiliussaq B-mi inissinneqassapput. Allatut periarfissaavoq containerit illumut atasunngortineqarsinnaaneri.
- 8.4 B-1809-p aamma B-2039-p akornanni sanaartorfissiani nioqqtissanut naatsorusamik atugassanngortitsisoqarpoq.

**§ 9 Sanaartorfissagissaanermut akiliutit**

- 9.1: Sanaartorfissagissaanermut aningaasartuutit, B-247-p pisiarineranut ingitserneranullu aningaasartuutit ilanngullugit, akilerneqassapput eqqaani nunaminertamik atugassinneqartup isumaqatigniarneratigut imaluunniit akiliinissaq pillugu immikkut ittumik malittarisassat malillugit.

**§ 10 Illoqarfiup ilaanut pilersaarusrorfiup atorunnaarsinneqarnera**

- 10.1 Illoqarfiup ilaanut pilersaarutip 1C8-5-ip, Illoqarfiup qeqqa Nuuk, tamanut nalunaarutigineqarneratigut illoqarfiup ilaanut pilersaarut 1.05 Nuuk, Illoqarfiup qeqqa, november 1981-imi akuerineqartoq atorunnaassaaq, matumani illoqarfiup ilaanut pilersaarummi ilaatinneqartoq.
- 10.2 Illoqarfiup ilaanut pilersaarutip akuerisaasup 1C8-5, Nuummi illoqarfiup qeqqa tamanut saqqummiunneqarneratigut, illoqarfiup ilaanut pilersaarut 1C8-2, Hotel Godthåbip eqqaa april 1997-imi akuerineqartoq atorunnaassaaq.

10.3 Illoqarfiup ilaanut pilersaarutip akuerineqartup 1C8-5, Nuummi illoqarfiup qeqqa tamanut saqqummiunneqarneratigut, illoqarfiup ilaanut pilersaarut 1C8-3, Skibshavnsvejip Kuussuullu teqeqqui april 1997-imi akuerineqartoq atorunnaassaaq.

10.4 Illoqarfiup ilaanut pilersaarutip akuerisaasup 1C8-5, Nuummi illoqarfiup qeqqa tamanut saqqummiunneqarneratigut illoqarfiup ilaanut pilersaarut 1C8-4, Skibshavnsvejimut Aqqusinersuullu akornanni Immikkoortumut pilersaarut juni 1998-imi akuerineqartoq atorunnaassaaq.

---

## **AKUERSISSUTEQARNERMI ATSIORNEQ**

Illoqarfiup ilaanut pilersaarut 1C8-5, Nuummi illoqarfiup qeqqa, matumuuna Kommunalbestyrelseimit ulloq 30. oktober 2006-imi akuerineqarpooq.

Nuup Kommunea, ulloq


---

Agnethe Davidsen  
Borgmester

/

Kim Hvistendahl  
Allaffissuarmi pisortaaneq

Illoqarfiup ilaanut pilersaarut 1C8-5, Nuup illoqarfiata qeqqa, inaarutaasumik akuerineqarluni tamanut saqqummiunneqarpooq ulloq 29. november 2006.



Iloqarfiup ilaanut pilersaarut

1C8-5, Iloqarfiup qeqqa Nuuk

Ilanngussaq 1

Iloqarfiup ilaanut pilersaarusrorifik

Pissutsit pioereersut


Pileraarutlp kllingga

••••



TEKNIKKMUT AVATANGIISINULLU  
INGERLATSIVIK

Ulloq / Dato November 2006  
J. nr. 16.04.1C8-5  
Skala 1:1000  
Sull. / Sagsbeh. MHF




Iloqarfiup ilaanut pilersaarut  
1C8-5, Iloqarfiup qeqqa Nuuk  
Ilanngussaq 2  
Sanaartorfissat

Pillersaariitip kllingga  
Sanaartorfissat illataat portunerpaaffileriikkat  
Ilitsivissanun tunngavait  
Sanaartukkut portunerusut



TEKNIKKIMUT AVATANGIISINULLU  
INGERLATSIVIK

Ulloq / Dato  
J. nr. 16.04.1C8-5  
Skala 1:1000  
Sull. / Sagsbeh. MHF  
November 2006



Iloqarfiup ilaanut pilersaarut  
1C8-5, Iloqarfiup qeqqa Nuuk  
Ilanngussaq 3  
Killeqarfiit susassaqfiusut

Pilersaarutip killinga   
Killeqarfik susassaqarfik A   
Killeqarfik susassaqarfik B



TEKNIKKIMUT AVATANGIISINULLU  
INGERLATSIVIK

Ulloq / Dato November 2006  
J. nr. 16.04.1C8-5  
Skala 1:1000  
Sull. / Sagsbeh. MHF



**Iloqarfiup ilaanut pilersaarut  
1C8-5, Iloqarfiup qeqqa Nuuk  
llanngussaq 4  
Takussutissaq**



## **TEKNIKKIMUT AVATANGIISINULLU INGERLATSIVIK**

Ulloq / Dato	November 2006
J. nr.	16.04.1C8-5
Skala	1:1000
Sull. / Sagsbeh.	MHF